



讀書敏求記卷第二

也是翁錢 曾 遵王

史

史記一百三十卷

唐尊老子爲玄元皇帝開元二十三年勅升于
史記列傳之首處伯夷上子昔藏宋刺史記有
四而開元本亦其一焉今此本乃集諸宋板共
成一書小大長短各種咸備李沂公取桐絲之
精者雜綴爲一琴謂之百衲予亦戲名此爲百

右宋承議郎知龍州眉山
王偁撰進本趙希弁曰
書分本紀十二世家五列傳
一百五附錄八間為贊論
以發揚之以其國都大梁
以前之事故謂之東都
此其中疎駁甚多按趙
雖云然後世欲考汴宋
文獻亦藉以有徵焉

衲本史記以發同人一笑焉

王偁東都事略 顧抱冲家有宋刻本

東都事略宋刻僅見此本先君最所寶愛榮本
樓牙籤萬軸獨闕此書牧翁屢求不獲心頗嘆
焉先君家道中落要索頻煩始終不忍捐棄吾
子孫其慎守之勿失

資治通鑑二百九十四卷

溫公脩通鑑成自言惟王勝之一讀他人讀未
終卷已欠申思睡矣當公世而云然無怪乎後

之謾聞小生拾一芝蔴終便侈談今古也此為
吾鄉顧塵客先生所披閱先生諱大章字伯欽
與楊左諸公同受庵禍名在斗杓當其入詔獄
時有芝生一莖六瓣兆六君子之祥雖天公亦
為之告異今觀先生點定此書自始至終詳整
無一懈筆心細如髮晏居不苟如此允為王勝
之後之一人矣吾家通鑑有大字宋本復有宋
人手披者半部刻鏤精工烏絲外標題週遭殆
遍尚是宋人裝潢未經今人攙釘者然總不若

此本之矜重吾輩當盥頰莊拜而後讀如臧榮緒之于五經可耳

劉知幾史通二十卷

陸文裕公刻蜀本史通其補註因習曲筆鑒識四篇殘脫疑誤不可復讀文裕題其篇末而無從是正舉世罕覯全書殊可惜也此本于脫簡處一一補錄完好又經前輩勘對精允凡標題行間者皆另出手眼覽之真有頭白汗青之感胡一桂十七史纂古今通要十七卷

鈔本無論字

宋以來論史家汗牛充棟率多龐雜可議以其不討論之過也馮定遠曰蘓子由論劉先主云用孔明非將也據蜀非地也考蜀志孔明在先主時未嘗為將至南征始自將耳先主若不據蜀則何地自容此豈非不討論之過乎胡庭芳纂此書論議頗精允絕非宋儒偶見者可比一覽令人于古今興亡理亂了然曾次朱子稱稽古錄其言如桑麻穀粟曰小兒讀六經了好令接續讀去予于此書亦云然但以昭烈繼建安

一祖朱子綱目予不敢謂溫公正統爲非請俟百世之君子討論可耳

通鑑博論三卷

通鑑博論聖祖命寧王權編輯洪武二十九年九月十七日書成表進下卷圖格中獨于至正二十六年丙午書廖永忠沉韓林兒于瓜步大明惡永忠之不義後賜死牧翁云此蓋寧王奉聖祖意特標此一段以垂示千萬世不然安敢以開國大事自立斷案乎予謂沉于瓜步記其

地也大明惡永忠之不義痛絕之也後賜死明當時未蔽厥辜而後終以此正其罪也此非寧王之書法而聖祖之書法也德慶一案盡此二十一字中又何他辭之說歟

臞仙史畧二卷

賢王奉藩多暇惇敦詩說禮者有之貫穿歷代興亡提綱舉要較其良惡千古瞭如指掌蓋未有如寧王者元順帝爲合尊之子牧翁取余應詩與權衡大事記疏通證明之作瀛國公事實而

此直揭云爲宋幼子明宗養爲已子又云初明宗出獵回遇大風雨見寺中火光往視之乃宋幼子后產明宗取而育之以爲已子及長文宗忌之貶高麗遷靜江臞仙之說庚申帝正所謂大書特書不一書而已也晉書于小吏牛氏諱而不沒其實當時修元史諸公何以見不及此牧翁列朝詩集小序中詳載臞仙著述而獨遺史畧且書瀛國公事又不援引其言以實之豈當時未獲見此本歟

吳越備史四卷

今本吳越備史武肅十九世孫德洪所刊序稱忠懿事止于戊辰因命門人馬蓋臣續第六卷爲補遺予暇日以家藏舊本校閱之知其刻之非也是書爲范垌林禹所撰稱忠懿爲今元帥吳越國王自乾祐戊申至端拱戊子紀王事終始歷然新刻則于乾德四年後序次紊亂脫誤弘多翻以開寶二年後事爲補遺他如王因衣錦城被寇命同玄先生閻丘方遠建下元金錄

右載通考者有二吳越備史九卷注吳越掌書記范垌林禹撰又吳越備史遺事五卷注全州觀察使錢儼撰并引陳振孫言備史二儼所爲托名林范者而今本則有吳焯跋云嘗得吳越于四世孫受微刊本并此校對其刊本小傳頗有刪節則此鈔本爲當時林范原撰亦未可定又據刊本武通王二卷文穆王忠獻王吳越國王各一卷凡五卷其備遺一卷云是越中比部德

洪所纂知此前四卷為五
卷抄本標題偶誤耳

右宋迪功郎錢世昭撰自
謂其父太尉昭陵之甥親
見宣政太平文物之懿其
在帝左右銜命出置耳目

目所接皆能廣記而備
言因請其說得數方言
叙而集之按太尉即也
今遂以此書直置姓名誤
矣

醮于東府龍瑞宮其夕大雪唯醮壇上星斗燦
然一黑虎蹲宮門外罷醮而去羅隱師事方遠
執弟子禮甚恭及迎釋迦建浮圖以供之其制
度皆出王之心匠諸事皆失載其字句紕繆處
又不知幾何也蓋德洪當日所見乃零斷殘本
實非完書以家王故事急付剞劂未遑細心參
考耳

錢氏私誌一卷

宋太尉德慶軍節度使錢愐纂輯愐為彭城王

第三子昭陵之甥故記熙寧尚主玉仙求嗣事
獨詳其稱大父寶閣知台州回者乃冀國公諱
暄字載陽以父蔭累官駕部郎中知撫州移台
州進少府監權鹽鐵副使時也彭城王諱景臻
字道遠冀國第九子建炎二年追封故稱先王
俗子以為起居舍人彥遠之筆不知彥遠乃忠
遜之孫翰林學士易之子與彭城為再從叔侄
世次犁然安得反有先王之稱豈非大謬乎書
此以訂証之

陸游南唐書十八卷戚光音釋一卷

務觀南唐書詳核有法卷例俱遵史漢體首行書某紀某傳卷第幾而注南唐書于下今流俗抄本竟稱南唐書本紀卷第一卷三三列傳亦如之開卷便見其謬可一喟也是本後附戚光音釋甚佳光嘗輯金陵志搜訪文獻大有考證為當時所稱許藏書家豈有知其氏名者矣

龍衮江南野史十卷

記南唐君臣事蹟頗詳其行文亦瞻雅有致

右宋螺川龍衮撰載南唐三主及三十一臣之事仿紀傳體為之竹垞曰江南野史通志載有二十卷此

釣磯立談一卷

叟為山東人不著名氏清泰年中避地江表營釣磯以自隱李氏亡國追記南唐興廢事得百二十餘疏于此書序云文慙子山之麗興哀則有之才愧士衡之多辨亡亦幾矣讀之頗為滋然

封氏聞見記十卷

孱守居士從吳岫本錄于空居閣趙清常本有雲間夏庭芝至正辛丑跋語吳郡朱良育與唐

本以錄十卷當再於別志審之今按宋史及晁志俱作二十卷共十四傳述所傳似非是本也

子畏借鈔前五卷又與柳大中借鈔後五卷其第七卷止存末後兩葉餘則均之闕如也貴與經籍志云五卷不知所據何本耳

孫光憲北夢瑣言二十卷

華亭孫道明手鈔本錄每事前列一題流俗本通行削去其間紕繆脫落又不待言矣

宇文懋昭大金國志四十卷

宇文懋昭于端平元年表上所輯大金國志懋昭竊祿金朝為淮西歸正人宋改授承事郎工

宋宇文懋昭撰其書於端平元年表上所志起金太祖至宣宗凡一百七十年事

部架閣其所載誓書下直書差康王出質且詳列北遷宗族等于獻俘可謂無禮于其君至矣敢于表上其書而端平君臣竟漫置不省何也

葉隆禮契丹國志二十七卷

隆禮書法謹嚴筆力詳贍洵有良史之風具載兩國誓書及南北通使禮物蓋深有慨于海上之盟使讀者尋其意于言外耳棄祖宗之宿好結虎狼之新歡自撤籬樊孰當扞蔽青城之禍詳其流毒寔有隱痛焉存遠以障金此則隆禮

右宋祕書丞嘉興葉隆撰述契丹自阿保機初興迄於天祚凡二百餘載之事畧仿紀傳体前列遼國始興本末九年詳末附宋臣紀錄諸蕃國雜記歲時雜記等種於淳熙七年表上

之志也至夷契丹爲國不史而志之其尊本朝也至矣予特表而出之

劉祁歸潛志十四卷

序文及首卷乃陸孟鳧先生手錄先生曩日視予爲忘年小友居去予舍一牛鳴地奇書轉假未嘗三日不相見也此爲先生所贈金渾源劉祁京叔著京叔以布衣遨遊士大夫間文章驚暴一時爲遺山諸公所推挹築堂曰歸潛因以名其書所記多金源逸事後之脩史者足徵焉

周雪客黃俞卽徵刻書目曰八卷殆未見全書歟

庚申帝史外聞見錄二卷

權衡字以制吉安人編緝元順帝三十六年事筆之于書曰庚申帝史外聞見錄所記瀛國公生男明宗求之爲子事甚悉其繫帝于庚申者蓋以制之微詞也先君廣覓是書僅見之眉公秘笈中脫落舛誤十亡其五予後得完本繕寫藏弄惜先君之不及見每檢此書卽爲泣下如

按書錄解題云歷代紀年十卷其自序當紹興七年或者此缺第一卷故自序不傳耳

兩

歷代紀年十卷 缺第一卷

晁氏歷代紀年始之于正統次之于封建僭據再次之以盜賊夷狄道里而後以歷代年號終焉晁公諱公邁字伯咎纂輯此書凡節目之大而關於體統者可以概見紹興壬子樂清包履常為之鈔本以傳

歷代紀元錄一卷

錄自漢武帝至元順帝止別錄自王莽至明昇

止又按雲南自唐世為蒙氏所據至元始郡縣之其間蒙段二氏雖互有興滅然諸夷若安南日本渤海等國亦嘗紀元未有如雲南之盛者特脩錄之

歷代紀年曆七卷

起自唐虞至明隆慶元年紀載頗詳有以六字為年號者如南詔霍拓王法之貞明承智大同夏趙元昊之天授禮法延祚李秉常之天賜禮盛國慶等類是也

右宋武學博士清江
徐天麟撰取馬班兩
史撮要合編各以類
從嘉定四年進

右前人撰例并前書
相類寶慶二年進馬
端臨謂此二書所載
漢家制度典章散於

紀傳表者仿唐以來
會要体分門編纂
其用力勤矣

右書本於蘇冕之弟
弁纂要十卷述高祖至
德宗以後楊紹復等續
之溥乃更集兩家取宣
宗以後事廣為百卷
中多存蘇氏跋義建隆
二年進太宗稱其詞簡
而体備
竹垞曰五代干戈紛擾未
暇修其禮樂刑政然當
日累朝咸有實錄可

綱鑑甲子圖一卷

此書見存於頌懷芳處

周威烈王元年丙辰至明崇禎十七年甲申共
二千六十九年概括于八葉之中殊便檢閱也
西漢會要七十卷

嘉定四年九月十一日徐天麟上進李訖戴溪
為序崇禎己巳閏月二日先君校完題于後是
年八月揆予初度撫今追昔為泫然者久之

東漢會要四十卷

寶慶二年六月二十二日徐天麟上進葉時序

云仲祥父子伯仲俱刻意史學各有書行于世
仲祥天麟字也

唐會要一百卷

王溥撰建隆二年二月奏御明初人鈔絳雲藏
本勘過

五代會要三十卷

王溥纂凡五代儀物章程官名文法因革損益
之由多可于此考見

孫逢吉職官分紀五十卷

采而歐陽子作史僅成
司天職方二考餘緊置
之微是書典章制度
無徵矣

右孫逢吉撰以楊侃職
林為本而增其門目之
已缺補其事述之遺漏
元祐七年秦觀序之
又有趙穀序

右宋知樞密院事鄭居中
等撰宋初開寶有通禮
景祐有太常新禮嘉祐
有太常日華禮率皆雜簡
夫中大觀初乃設議礼局
以居中及郭熙等十二人分

任纂修於政和三年進為
書二百四十卷御製序一卷
御製指揮九卷御製冠礼
十卷其自序卷至四十四卷
為序則序例甲五至壬卷
為目錄以下分五礼編載如
皆居中等所修者

金明昌六年礼部尚書張
暉等進原四十卷今止
存十九卷又自十二卷以
下多缺文但此書諸家
目錄俱不載藏書家亦
無有蓄之者今本雖非
完書金源典故猶藉以
有考焉

富春孫彥同廣楊侃職林而成是書清常道人
惜舊鈔譌謬借金陵焦太史本讐勘而焦本亦
多殘缺復賴此本是正之清常又從書賈搜得
宋槧本第七卷補訂入前輩好書之勤如此慚
予空蝗梁黍展卷便欠申思睡每睹清常手校
書籍未嘗不汗下如漿也

政和五禮新儀二百四十卷目錄六卷

首卷冠以御製序題政和心元三月一日不知
心元何謂次九卷御筆指揮次十卷御製冠禮

其二百二十卷乃鄭居中等所編政和三年四
月廿九日進呈者也劄子云悉稟訓指靡所建
明殆有微意與目錄六卷文獻通考謂五卷者
誤

大金集禮四十卷

首列太祖太宗即位儀諸凡朝家大典輿服制
度禮文莫不班班可考嗟乎祀宋無徵子之所
歎金源有人勒成一代掌故後之考文者宜依
倣編集以詔來葉此書諸家目錄俱不載藏書

家亦無有畜之者尚是金人鈔本撫卷有諸夏之亡之慨

國初祭享儀注十卷

國初祭享一天地二太廟三社稷四山川五歷代帝王六孝陵七孔廟八五祀九龍江壇十直武寶公此永樂正位南畿猶未都燕時之儀注也直武則出自成祖之獨裁寶公則猶是高皇之遺命禮文秩然樂章和雅國初大儒命筆簡盡如此

鹵簿圖一卷

此是國初常朝鹵簿圖按三輔黃圖云天子出車駕次第謂之鹵簿而唐制四品以上咸給鹵簿則鹵簿者君臣皆得通稱矣宋王欽若為鹵簿記元曾巽申為鹵簿圖今失傳內閣書目有宋宣和鹵簿圖九冊金天聖間宋綬撰集宣和蔡攸等重脩凡三十五卷又有大駕鹵簿一冊中宮鹵簿一冊俱畫本內府之珍人間罕覩更不知圖繪為何等也

司馬氏書儀十卷

第一卷詳列表奏公文私書家書之式餘九卷
備述冠昏喪祭之儀前序云是書爲經世之防
範禮法之大端士大夫家採摭行之于名教豈
曰小補哉溫公尚有家範十卷與此並藏諸書
塾可耳

浦江鄭氏旌義類編一卷

鄭氏世居浦江縣東二十五里鄉名感德里曰
仁義其遠祖冲素處士綺自宋建炎初同居至

元末已十世歷二百六十餘年守詩書禮樂之
教弗墜是編則其六世孫太和錄家範五十八
則七世孫鉉補續一百餘則八世孫濤又因時
損益之總一百六十八則勒成一書以訓子弟
君子於此有感焉聖經脩身齊家之道終古無
能行之如此其久者而鄭氏子孫世守勿替迄
今循覽斯編雖百世而下得不爲之興起乎
韓氏叅用古今家祭禮一卷

魏公得秘閣所有御史鄭正則祠享儀御史孟

說家祭禮殿中御史范正傳寢堂時享儀汝南
周元陽祭錄京兆武功尉賈氏家薦儀金吾衛
倉曹參軍徐潤家祭儀檢校散騎常侍孫日用
仲享儀凡七家採舊說之可行酌時俗之難廢
者以人情斷之成十三篇名參用古今家祭儀
而魯齋門人王仁頗致疑于祭儀一節男女拜
位東西相向與他書爲少異意公必有所據耳
魯班營造正式六卷

畧說云班周時人妻雲氏居江西隆興府地名

市縱予觀其規矩繩尺誠千古良工之範圍然
此等書皆後人僞作非真出于班也

李誠營造法式三十六卷

右宋通直郎李誠撰陳振
孫曰前二卷爲攷釋其後
曰制度曰功限曰科例曰備
樣而濠寨石作大小木調
鏡鋸作泥瓦彩畫刷飾
又各分類據讀書志謂
熙寧初勅將作監編修
營造法式誠以爲未備乃
考究經史詢訪匠氏以成
此書須之列郡者按通
考作李誠未知孰是

營造法式三十四卷目錄看詳二卷敍翁得之
天水長公圖樣界畫最爲難事巳丑春予以四
十千從牧翁購歸牧翁又藏梁谿故家鏤本庚
寅冬不戒于火縹囊緗帙盡爲六丁取去獨此
本流傳人間直希世之寶也誠字明仲所著書
有續山海經十卷古篆說文十卷續同姓名錄

言言每言卷二
二卷琵琶錄三卷馬經三卷六博經二卷今俱
失傳附識此以示藏書家互蒐討之
傳霖刑統賦一卷楊淵刑統續賦一卷

刑統賦藏本有二一是延祐丙辰刻本東原鄒
氏韻釋趙孟頫序後有李方中韻釋刑統續賦
一是至正壬辰鈔本鄒人孟奎解沈維時序
時令

夏小正戴氏傳四卷

夏小正大戴禮之篇名也政和中山陰傳崧卿

從其外兄關澮得之關本合傳爲一卷不著作
傳人名氏崧卿倣左氏春秋列正文于前而附
以傳月爲一篇凡十有二篇釐爲四卷重刊于
至大元年

宗懔荆楚歲時記一卷

杜公瞻注流俗本正文與注混淆此則舊本也
陳元靚歲時廣記四卷

首列圖說分四時爲四卷諸書之有涉于節序
者搜討殆徧亦可入之小類家元靚南宋人自

稱廣寒仙裔朱鑑劉沌爲之序

韓謬歲華紀麗七卷

此是舊鈔卷終闕字數行又失去末葉無從補入後見章丘李中麓藏宋刻本脫落正同知是此本之祖蓋因歲久墨敝紙渝字跡不可捫揣故鈔本仍之耳

費著歲華記麗補一卷

費著元人記成都歲時嬉遊之盛予得之于癸巳老人命侍史重錄之

王阮亭以爲胡考轅所造何妄耶

臞仙運化元樞一卷

月十有二而成歲其盈虛消長之數有差候氣之運各異涵虛子謂飲食起居必順天道以寧化育故纂此書以備月覽于攝生之道可謂詳矣前載歲占圖後附天地混元之數及三元八會等辰其中以中元爲丁令威救母之日釋氏謂之目蓮未悉其所本何自姑識于此以俟博聞者

李泰四時氣候四卷

書成于洪熙乙巳刊于景泰乙亥視前人訓釋
月令頗加詳焉

器用

鄭文寶傳國璽譜一卷

嘉靖辛丑刻于金閭此乃舊鈔也

玉璽傳聞一卷

卷終一行阜昌宋隆夫書不知何人內稱大元
皇帝則爲元人無疑後有匏菴先生跋語清常
道人得之赤岸李氏

考古圖十卷續考古圖五卷釋文一卷

汲郡呂大臨論次考古圖成并識古器所藏于
目錄後秘閣太常內藏外列三十七家即後記
謂閱之士大夫得傳摹圖寫者蓋非朝伊夕矣
其續圖五卷釋文一卷文獻通考俱不載豈貴
與暨諸藏書家都未見此本耶間以元刻讎校
牴牾脫落幾不成書此係北宋鏤板予得之梁
溪顧脩遠洵縹囊中異物也後爲季滄葦借去
屢索不還耿耿掛胸臆者數年滄葦末此書歸

之徐乾菴予復從健菴借來躬自摹寫其圖象
命良工繪畫不失毫髮楮墨更精于槧本閱之
沾沾自喜嗟嗟此書得而失失而復得繕寫成
帙予之嗜好可謂勤矣然聚散何常終歸一
既學者唯以善讀爲善藏可耳

宣和重脩博古圖錄三十卷

博古圖成于宣和年間而謂之重脩者蓋以採
取黃長睿博古圖說在前也至大翻雕而仍謂
之重脩宣和博古圖未知所脩何事循名責寔

豈不可笑是書雕造精工字法俱撫歐陽乃當
時名手所書非草草付諸剞劂者凡臣王黼撰
云云元板都爲削去殆以人廢書歟

泉志十五卷

泉志鄱陽洪遵撰嘉靖壬午秋茶夢菴鈔本

歷代錢譜一卷

元至大二年十月詔以歷代舊錢與新錢並行
是書成于三年季春

查考錢法一卷

萬曆乙巳清常道人校錄孫蘭上本

文房四譜五卷

蘓易簡集文房四譜徐騎省序之云筆硯紙墨
爲學所資不可斯須闕予亦好學者覽此書而
珍之故爲文冠篇以示來者此序是牧翁手錄
通本皆經勘對疑誤讀者其善視之

硯箋四卷

硯箋四卷高似孫脩經籍志作一卷誤也晉人
言吳融八韻賦古今無敵惜乎亡來已久此存

得古瓦研賦一篇歸然魯靈光矣

陸友墨史三卷

友字友仁蘓州人善爲歌詩工八分隸楷博極
羣物闢小室僅可容膝清坐竟日自號硯北生
著硯北雜志構李項氏刊行之其原本今藏予
家又著墨史纂魏晉宋墨法三人唐及五代墨
工二十人宋一百七十人附以高麗契丹西域
金國其搜訪可謂不遺餘力矣又云新羅墨有
蠅飲其汁立歿者不知用何毒亦異聞也

陳氏香譜四卷

新纂香譜河南陳敬子中編次內府元人鈔本
凡古今香品香異諸家脩製印篆凝和佩薰塗
傳等香及餅煤器珠藥茶以至事類傳序說銘
頌賦詩莫不網羅搜討一一具載熊朋來序之
云陳氏香譜自子中至浩卿再世乃脫藁可謂
集大成矣古人命筆雖小道不敢聊爾成書今
人偶撮一二零斷香譜列入類書中沾沾誇詡
真不滿鬻香長者之一笑也書館琴窗蕭晨良

夜靜對此譜如燒大象藏香一丸與光網雲覆
甘露味國爾時鼻觀先叅者為何如也

弧矢譜一卷

詳論弓弩箭之制其稱蹻蹻弩張憲伏之于中
林而捉真珠即時俊用之于射狐闕以敗四太
子殆是紹興年間經進之書也

膳
食經

忽思慧飲膳正要三卷

予擬作一室額之曰養生主而列一聯于其旁

云也飲酒也噉肉素心何必素口自擔柴自運
水勞力不肯勞神或憊之以遠庖厨之戒不覺
失笑今觀忽思慧此書又興食肉者鄙之慮矣
易牙遺意二卷

予非知味者過屠門而大嚼固未必然但嘉賓
互對促席行杯肴核方圓食單似不可不講此
於蔬菜餽饌造法頗精緻其亦山家清供之一
助歟

糖霜譜一卷

遂寧王灼晦叔撰書凡七篇古有柘漿蔗錫石
蜜蔗酒而無糖霜唐太宗遣使至摩揭陀國取
熬糖法亦似今之沙糖不言作霜也大曆間有
僧號鄒和尚者登繖山結茅以居因取蔗糖爲
霜流傳其法凡耕種蔗田事宜及糖霜戶器用
瑣碎採掇悉著于篇

種藝

陸脩靜靈芝瑞草象二卷

祥符元年王欽若獻芝草八千一百九十三本

又獻泰山芝草三萬八千餘本六年丁謂獻芝
草三萬七千餘本七年又獻九萬五千本予每
笑人主侈言符瑞臣下貢諛者不獨野鳥可以
爲鸞即朝菌咸可名芝矣今觀脩靜此圖令人
興童初蕭間之想良常有芝號螢火人得食一
枚心中一孔明食七枚七孔明便能夜書宜補
入此圖之後因思祥符君臣當時若見此書更
不知作何等妄談也

白雲仙人靈草歌一卷

白雲仙人不知誰何圖靈草五十四種而附以
歌皆世所未見未聞者苟非位秩仙班恐難遇
此靈草也

玉藥辨証一卷

玉藥辨証舊藏宋刻後亦歸之泰興季氏此從
宋刻摹寫者

瓊華集五卷

曹璿得寶祐維楊志知花始末編成新集首之
以考證遺事繼之以詩文所載張三丰與丘汝

乘輦游蕃釐觀取水喫八仙變為瓊華香聞十
餘里三丰即于是夕遁去汝乘詩云不知今夕
游何處引鶴同棲貫月槎其事獨見于此

瓊華考一卷

成化丁未四明楊端木輯瓊華考成凡古今序

記詩賦都為一集流覽之餘恍如枯樹回春喚

醒瓊華之夢也

俞貞木種樹書一卷

樊遲請學稼學圃夫子目之為小人彼壘上輟

耕間園種菜者殆何如耶伊予樗櫟庸材為時
所吐棄退而耕于野滌塲除地類老圃所為瓜
蒞豆籬參錯于牛欄豚栅之旁中築室顏曰小
人齋時時偃息其所白木几上堆種樹篇探春
日記汝南圃史樹藝錄等書隨意披覽頗遂息
機摧幢之志間或勤其肢體輒課督便了芟繁
治穢採掇嘉蔬碩果與婦子相顧而樂之更不
屑咏南山之萁豆擊缶而歌呼嗚嗚也或曰夫
子之稱小人猶佛家之謂小乘云爾鑿混沌者

一日鑿一竅至七日而混沌死子今蔽影蓬廬
等諸逃虛空者捲龜殼而食蛤蜊期于汗漫游
于九垓之外為不可雕之朽木真混沌所弗如
豈非小人之尤者歟借以名斯齋誰曰不宜予
時方讀貞木書聽之听然笑推卷而起據槁梧
以仰視雲漢松濤洒面不辨天首之為乙為鳧
也聊識其語于卷末以記歲月云時乙丑重陽
前一日

秦養

師曠禽經一卷

晉張華注從元鈔錄出流俗本刊于百川學海
中文注混淆改盡舊觀矣

鵲譜一卷

樗菴居士校獵平原知鷹之性能搏而不能擊
鵲之性則擊搏皆能又知鵲類有二鴉鵲體小
而胆勇性馴易調習兔鵲體大而性剛為難調
間有能者則遠勝于鴉鵲且深悉所以養飼調
習形相美惡故著鵲譜十篇其十終以俊鵲擒

言言每言言卷二
鷺二十圖圖各有名系以詩雖紀一時之典會
亦可見永樂中隆平氣象奉藩多暇習騎射于
田獵之中爲足樂也

古木古串鵠論譜一卷

此內府藏本鵠房錄出者其名自嘉興花笏破
玉至臥泥挾翅共九十四種逐種詳論之據云
直省異樣異色者盡于是噫亦奇矣

蟋蟀經二卷

蟋蟀經相傳賈秋壑所輯其于相辨喂養調治

之法咸備文詞頗雅馴牧翁詩中更籌帷幄選
將登場句採其語也予昔藏薇藩芸窗道人五
綵繪畫本爲季滄葦豪奪去茲則絳雲樓舊鈔
本也

傳記

廣黃帝本行記一卷

唐閬州晉安縣主簿王瓘進述黃帝脩行道德
諸事

軒轅黃帝傳一卷

闕撰者氏名注引劉恕外紀殆是宋人所著歟
漢武內傳一卷

孱守居士空居閣校本廣記刪玄靈二曲及十
二字篇目又脫朱鳥窗一段對過始知此本爲
完書

漢武外傳一卷

雜記漢武以後事雖名外傳實與漢武無涉

漢武故事二卷

一是錫山秦女操繡石書堂本與新刻頗異一

是陳文燭晦伯家本又與秦本互異今兩存之
虬鬚客傳一卷

楊彥淵筆錄云口上曰髭頰下曰鬚在耳頰旁
曰髯上連髮曰鬢髯之不混鬚也明矣漢朱傳
傳奮髯抵几蜀志猶未及髯之絕倫逸羣黃香
責髯奴辭離離若綠坡之竹鬱鬱若春田之苗
古人描寫髯之脩美並未言其虬也老杜八哀
詩虬鬚似太宗酉陽雜俎太宗虬鬚常戲張掛
弓矢南部新書太宗文皇帝虬鬚上可掛一弓

蓋虬鬚字之有本若此今人安得妄改爲虬髯
客乎考其繆始于紅拂傳奇流俗承譌已久故
書以正之

費樞廉吏傳二卷

天地穢濁之氣生凶庸貪猥之徒凡弱下愚之
類以敗壞國家未有甚于宋之政宣年間者也
成都費樞秉經摭傳類次廉吏傳成序于宣和
己巳其言曰邇者奸臣當路群枉並進官以賄
授冗濫多門漢世臧吏禁錮子孫三世不得入

仕今願以此爲獻果哉費君敢言不避權惡志
在疾世憂國借此書以寓激揚之意夫豈無謂
而苟作者何邦基云載公孫弘而不沒其忌害
之實載牛僧孺而不舍其朋黨之罪所學實有
以助史官之賞罰是又淺之乎其知之矣

謝諤孝史五十卷

謝諤孝史君紀五卷后德一卷宗表四卷臣傳
三十五卷婦則二卷文類一卷夷附一卷總計
五十卷并序目淳熙十五年三月八日狀奏投

進教授臣張綱校正作後序此書世罕其傳予
從印宋本抄錄藏之家塾以示子孫歐陽玄序
番易楊玄翁心史嘉其是非枉直瞭然不繆于
古人且謂是書果行書之幸世之幸也予於孝
史亦云

葛洪神仙傳十卷

袁陶齋藏書後歸秦四麟又玄齋流傳至胤伽
居士春雪樓三君皆好古碩士所藏率多舊鈔
本故其書正定可傳覽者勿忽之

真仙體道通鑑前集三十六卷後集六卷

前集軒轅皇帝至趙元陽止後集無上元君至
孫仙姑止蓋以女仙故而爲之區分也浮雲山
道士趙道一編脩前有表進之昊天上帝未免
浮而夸矣

重編義勇武安王集二卷

辛丑孟冬初旬吾邑西鄉迎關神賽會先期王
示夢里人云紅豆莊有警廿八至初二須往護
持過此方許出會是日牧翁赴李石臺使君之

約入城止宿山莊其夜盜至而公無虞王之靈實茫焉公齋心著是書者蓋所以答神佑也元季巴郡胡琦編刻關王事蹟嘉靖四年高陵呂柟復校次刊之名義勇武安王集公取二書次第釐定考正刪補而謂之重編者因名仍呂公之舊耳公又取錢唐羅貫中撰通俗演義三國志及內府元人雜劇摭拾其與史傳牴牾者力爲舉正而予于此亦有疑焉神座右塑立周倉像傳來甚久遍考書史絕無其人僅見于小說

傳奇那可爲據今王之廟貌徧天下罕有桷及此者何也且如桓侯字益德內府板演義傳尚未之改而流俗本竟刊爲翼德豈不可笑或有爲之說者曰桓侯名飛揆厥字義焉知非翼德乎予笑語之曰如子云云豈獨桓侯宜此字卽王之諱羽亦應移此字字之矣其人慙懼而去并書之以發一笑

祠山事要指掌集八卷

嘉熙己亥三山周秉秀纂類一世系二封爵次

序三顯應事迹四正訛五祠宇六生辰七事始
附雜編八威濟侯方使者王諱渤清河張氏相
傳生于漢代吳興郡烏程橫山人也王一妃二
夫人九弟五子一女八孫集載之甚詳洵為祠
山典故惜乎世罕其本人見之者尠耳

雷神紀事二卷

此書載雷神出處甚詳靈異可怪按太平寰宇
記貞觀八年改東合州為雷州雷公廟在州西
南七里咸通十二年置並未及雷神事止云俗

候雷時具酒肴奠焉法甚嚴謹有以兔肉雜置
食者霹靂即至是神之盼蠻亘古如一也宋元
時封誥班班可考飛來鉤鼓猶在廟中後人焉
得以語怪誣之但紀事云神生于漢朝未知古
聖人烈風雷雨弗迷迅雷風烈必變彼時司之
者又何神也

廣異記六卷

杜詩諸將篇昔日玉魚蒙墓地以此書劉門奴
事註之流俗本誤為明奴非也考之廣記善本

亦然丙午夏滄葦邀予渡江校刊牧翁草堂箋
注日長苦志數月始潰于成後偶以事還家忽
為妄庸子改作明奴且行間多以方空界字可
恨也

李翱卓異記一卷

開成五年翱在檀溪述虛舟道人云蕭氏自瑀
至邁八葉宰相閱閱之盛有唐莫與之比而卓
異記不及何耶按翱書成于文帝時焉能下記
宣懿僖三朝事虛舟之跋殆亦未之思也歟

樂史廣卓異記二十卷目錄一卷

樂史集漢魏以來至五代卓異事都為一集撮
神仙殊異者附于後惜其所撰續唐卓異記三
卷失傳為恨耳

古列女傳七卷續列女傳一卷

顏氏家訓云劉向所造其子歆又作頌終于趙
悼后而傳有更始韓夫人明德馬后及梁夫人
嫵皆後人所羈非本文也今此本始于有虞二
妃至趙悼后號古列女傳周郊婦至東漢梁嫵

宋刻有二本一為南
城廢殿本一為吳門
老儒錢功甫懋本

余得賤本任淵
黃山谷詩注亦然蓋明
代藏書如是也

等以時次之別爲一篇號續列女傳頌義大序
列于目錄前小序七篇散見目錄中間頌見各
人傳後而傳各有圖卷首標題晉大司馬參軍
顧愷之圖畫蓋顏氏所云而蘓子容嘗見江南
人家舊本其画爲古佩服各題其頌像側者與
此恰相符合定爲古本無疑千載而下覩此得
存古人形容儀法真奇書也牧翁亂後入燕得
于南城廢殿卷末一條云一本永樂二年七月
二十五日蘓叔敬買到當時採訪書籍必貼進

買人氏名鄭重不苟如此內府珍藏流落人間
展轉得歸于予不勝百六飈迴之感

孟姜女集二卷

世傳孟姜女爲范杞梁妻子暇日考之蓋所謂
俗語不寔流爲丹青者此類是也傳襄公二十
三年莒子獲杞梁齊侯歸遇杞梁之妻子于郊使
弔之辭曰有先人之敝廬在杜注杞梁即杞植
劉向列女傳莊公襲莒杞梁戰死妻無子枕其
夫之屍于城下而哭十日而城爲之崩既葬曰

吾何歸矣赴淄水死君子稱其貞而知禮是祀
梁去于築城時已三百四十餘年安得以此牽
合耶考孟子正義亦有或云其妻孟姜之說譌
以傳譌知其來已久然謂或云者正疑而未必
之辭斷不得即以范姓加之祀梁也今此集云
女姓姜楚地澧人行一故曰孟姜秦始皇築長
城夫范即往赴其役久不歸製寒衣躬往送之
至則范已死痛哭城崩瀝血求夫骨函歸行至
同官山力竭死土人即其遺骸立祠以祀之自

元及明季詩文盈帙盡畧祀梁之名而獨稱范
郎者殆有所考而云然歟千百年來廟貌猶新
靈異如昨一種貞烈之氣自在天壤間予故錄
而存焉

譜牒

東家雜記三卷

牧翁書趙太史魯游藁後亟稱東家雜記祖庭
廣記諸書而惜予之未見也壬戌冬日葉九來
過訪草堂云有宋槧本東家雜記因假借繕寫

此書為先聖四十七代孫孔傳所編首列杏壇圖說記夫子車從出國東門因觀杏壇歷級而上顧弟子曰茲魯將滅文仲擔將之壇也覩物思人命琴而歌其歌曰寒暑往來春復秋夕陽西去水東流將軍戰馬今何在野草閑花滿地愁考諸家琴史俱失載附錄于此詳其語意未知果為夫子之歌否也

孔氏家譜一卷

先聖四十九代孫莘夫名琬宋乾道二年任臨

川丞遂家于此為臨川始遷祖正德癸酉吾虞陳言知撫州編此序之蓋孔氏臨川族譜也

漢天師世家一卷

傳

嗣漢四十二代天師冲虛子命傳同虛編次宋潛溪序其簡端其子者山公又自為序以行紀載詳贍中稱三十代天師諱繼先者宋崇寧二年投符解州鹽池磔蛟死水裔上問用何將隨召關羽見于殿左上驚擲崇寧錢與之曰以此封汝世因祀為崇寧真君可補神達之闕遺也

科第

紹興十八年同年小錄

唐末進士不第坎壈失職如王仙芝輩倡亂而敬翔李振之徒亦皆進士之不得志者宋祖深鑒其故廣開科舉之途開寶二年三月壬寅朔詔禮部閱貢士十五舉以上曾終場者具名以聞特恩各賜本科出身此特奏之所由始也景德二年三月丁巳李迪等進士及第賜特奏名五舉以上本科六十四人三傳十八人同學究

二十二入三禮四十四人年老授將作監主簿三十一人特奏之名所由立也祥符八年又以人多而裁抑之特奏名並赴殿試是後循以爲例故終宋之世其禍患皆起于夷狄而中國士子雖潦倒場屋窮老盡氣無自棄于盜賊如唐末之亂者此錄後列特奏名一人殆猶存告朔餼羊之遺意與第五甲第九十名朱熹字元晦

小名沈郎小字季延王同軌記其詳于耳譚中余考宋朝登科錄唯此與寶祐四年者僅存則

知此錄之傳蓋以文公故而垂之久遠耳

寶祐四年登科錄

困學紀聞云唐制舉之名多至八十有六故當時謂之科目自王安石罷諸科後之進士有科而無目矣今寶祐四年登科錄宋末稱為文天祥榜進士蓋制科以人為重也明太祖洪武四年十七年開科及十八年會試循元舊例作經疑試士至二十一年始定三場之制三百年來燈窗小生熟爛時藝影掠論策刺取榮名利祿自

通籍以還未聞仕優則學之大夫是又人以制科為重而非制科以人為重也久矣先正丘文莊公言士子有登名前列不知史冊名目朝代先後字書偏傍者可不憫哉可不嘆哉大有為之君作師于上做漢唐宋射策決科詩賦取士之法一洗制義陋習重興儒雅豈非斯文之大幸歟

地理輿圖

太平寰宇記二百卷目錄一卷

按此書上元焦氏崑山徐氏所藏俱缺河南道第四卷江南道第十一至十七卷今本同

樂史序云從梁至周郡國割據更名易地暮四朝三撰太平寰宇記自河南周于海外若賈耽之漏落吉甫之闕遺此盡收焉予攷之唐分天下爲十道後又分山南江南爲東西道古今山河兩戒之區別至于斯爲盡善而此書因之且較詳于九域志宜乎樂史之自以爲無掛漏也祝穆方輿勝覽止南渡半壁天下識者能無興小朝廷之慨乎

王象之輿圖紀勝二百卷

紀勝者凡山川人物碑刻題詠無不蒐集首臨安以尊行在而幅員之版圖未復者不與焉亦祝穆之例也鏤刻精雅楮墨如新乃宋本中之佳者

酈道元註水經四十卷

昔者陸孟鳧先生有影鈔宋刻水經注與吾家藏本相同後多宋板題跋一葉不著名氏余因錄之其跋云水經舊有三十卷刊于成都府學宮元祐二年春運判孫公始得善本于何聖從

家以舊編校之纔三分之一耳乃與運使晏公前其重校正其訛誤口口考者以是傳焉用公布委官校正募工鑄版完缺補漏比舊本凡益編今為十冊一十有二共成四十卷其編帙小失次第先後成咸以何氏本為正元祐二年八月初一日記詳觀跋語是本在當時蓋稱完善惜後人無翻雕之者余故備錄此跋以告世之藏書家

分野一卷

以九州配周天度數而以十二時分十二分野隸之以二十八宿離之合之規布星辰于指掌

之中真奇書也

大明清類天文分野書二十四卷

晉天文志十二次分野始角亢者以東方蒼龍為之晉也唐十二次始女虛危者以十二支子為之首也今以斗牛為星分之首者日月五星起于斗宿古之言天者由斗牛以紀星故曰星紀則星紀為十二紀之首而斗牛又二十八舍之首也此書聖祖命屬藁于犁眉公鐵冠道人洪武十七年甲子閏十月二十七日進始于斗

右宋資政殿學士范成大撰
當時書成未行而石湖後李
素明刻之其書止於紹興其後
事實俾僚屬仿褚少孫史記
例補成之李履常序自謂
郡士龔順止滕歲周南皆
常薦聞於公者而龔尤多
詳見通考

牛吳越分野首著開天之神功終以雲漢之未
派龜魚麗焉即一書之始終可作運命論讀矣
後之脩明史者于此徵輿地志更何煩他求乎
范成大吳郡志五十卷

石湖著吳郡志成郡守具本欲刻時有求附某
事于籍而弗得者譁曰非公之筆刻遂中止書
藏學宮紹定初元李壽朋以尚書郎出守始增
所缺遺訂其脫誤而刊行之宋槧本書籍注中
有注者惟此及高誘戰國策他則未之見也

渚宮舊事五卷

余知渚宮舊事十卷今止存前五卷餘五卷亡
來久矣

葛洪西京雜記二卷

後序云此兩卷在洪巾箱中嘗以自隨則原書
爲二卷無疑流俗本妄分六卷繆甚矣章丘子
中麓所藏卷仍上下但每事標題又分自甲至
癸殆猶存子駿漢書之舊與俟博識者詳論之
建康實錄二十卷

建康楚金陵邑秦改秣陵吳改建業晉愍帝諱業又改為建康元帝即位稱建康宮五代仍之許嵩舉吳首事之年通西晉革吳以迄南朝事勒成一書名曰建康實錄黃子羽藏嘉祐年間鏤本吾猶及見之此則子羽家小胥所鈔也

楊銜之洛陽伽藍記五卷

清常道人跋云歲已亥覽吳瑄刻古今逸史中洛陽伽藍記讀未數字輒齟齬不可句因購得陳錫玄秦酉岩顧寧宇孫蘭公四家鈔本改其

譌者四百八十八字增其脫者三百廿字丙午又得舊刻本校于燕山龍驤邸中復改正五十餘字凡歷八載始為完書清常言讐勘之難如此予嘗論牧翁絳雲樓讀書者之藏書也清常歿書盡歸牧翁武康山中白晝鬼哭嗜書之精靈若是伊予腹笥單踈囊無任敬子之異本又何敢廁于墨莊藝圃之列然絳雲一燼之後凡清常手校秘鈔書都未為六丁取去牧翁悉作蔡邕之贈天殆留此以俟助予之詩注耶何其

脈望館
藏書者
之藏書
也清常

言書每式言卷二
幸哉又何其幸哉

夢華錄十卷

幽蘭居士孟元老追叙東京舊遊編次成集緬懷曩昔如全華胥夢覺因名夢華錄書成丁紹興丁卯去靖康丙午之明年又二十一年矣南渡君臣其猶有故都舊君之思如元老者乎劉屏山汴京絕句憶得少年多樂事夜深燈火上樊樓蓋同一寤歎也予衰運晚晚情懷牢落回首凄然感慨尤甚于元老今閱此書等月光之

水但無人爲除去瓦礫耳

夢梁錄二十卷

往予讀南濠文見其跋吳自牧夢梁錄凡臨安時序土俗坊宇游戲之事罔不筆載蓋繼元老夢華而作者私心竊慕之而未由覲其書斧季輦下還解裝出書二百餘帙邀予往視皆秘本也因笑曰僕頃游南昌空橐抵里途次作得詩三十餘首每詫于人此行可爲壯遊矣彼篩竿牘間苞苴纍纍若若者曾不以易我奚囊中物

右宋錢唐吳自牧撰劄記南
宋武林雜事蓋仿孟元老
夢華錄而作者其自序昔
人卧一炊頃而平生事業
敬歷皆遍邗時异事殊
城郭苑囿之富風俗人
物之盛焉保其常細懷往
事殆猶夢也

也子今搜奇覽異捆載秘書而還視子幾窮途
酸語所得不已遠乎季嘆曰浪迹兩年未嘗遇
一真好書人歸而求之於子有餘師矣當悉索
以供繕寫母煩借書一瓶但視世之夢夢粥粥
假牧兒之蓋而乞隣女之光者我兩人好尚之
異同為何如耶予因次第借歸自春徂秋十鈔
五六夢梁錄亦其一焉嗟嗟近代藏書家推章
丘李氏金陵焦氏王孫則西亭之萬卷堂汴亡
竹居文史盡隨怒濤去矣灰劫之餘未知金陵

圖籍猶有存焉否今斧季所購乃中麓秘藏之
物予不敢忘所自遂牽連書之如此

武林舊事十卷

右宋周密輯化南渡後
百二十餘年典故及風俗
游燕諸事原六卷明崇
禎間工部主事朱廷燦司
權杭州時後補採數十別
增八卷今刻前六卷續
四卷按密又有後武林
舊事五卷見千頃堂
書目

武林舊事流俗本止六卷子從元人鈔仇先生
所藏錄得後四卷乾淳奉親之事今昔所無閱
之不勝惋嘆後過吳門書肆又購得一本按此
添補數則并錄入泗水潛夫前序一篇此書始
無遺憾矣

陸游入蜀記六卷

言事每言卷二
放翁于乾道五年十二月六日得報差通判夔州以久病未堪達後至次年閏五月十八日晚始即路十二月二十七早至夔州凡途中山川易險風俗淳漓及古今名勝戰爭之地無不排日記錄一行役而留心世道如此後時家祭無忘盖有素焉卷中所記慈老磯即南唐樊若水獻策作浮梁渡王師處而宋史作樊若水未知孰是附識于此

古今輿地圖二卷

起帝嚳九州至元末羣雄悉以明朝華夷區域為總要復朱界其間標舉歷代地理于上凡古今山水名及一行山河兩戒圖咸載焉昔謝莊分左氏經傳隨國立篇製成本方文圖山川土地各有分理離之則州別羶殊合之則字內為一後人嘆美之以為絕學此書苦心志不減希逸惜乎名氏翳如為之浩歎

統輿圖二卷

唐貞觀初因山川形便分天下為十道一曰關

內二曰河南三曰河東四曰河北五曰山南六
曰隴右七曰淮南八曰江南九曰劔南十曰嶺
南開元二十一年又分山南江南爲東西道增
黔中道及京畿都畿置十五採訪使簡察如漢
刺史之職夫所謂江南東道理吳郡今蘓州也
江南西道理豫章今南昌也是東西之分並在大江以南不得如今之但稱江西也元起朔漠
四履所至比隆前代立中書省一行省十有八
曰遼陽曰河南曰陝西曰四川曰甘肅曰雲南

曰江浙曰江西曰湖廣曰征東考江西之名省
至是始大定蓋因江南西道設省誤南字之謬
耳不知南昌可稱江西則蘓州竟謂之江東可
乎明興聖祖肇造區夏分天下爲兩京十三省
獨江西之名仍其譌而弗改殊所不解然古今
地圖莫詳于明代蓋天下定于一幅員所被者
廣耳吾家藏統輿圖南北直隸及各省郡縣以
至邊防海道河圖運漕外國屬夷靡不考核焉
圖如蚊睫字若蠅頭繕寫三年而後成彼柏翳

所圖章亥所步不出戶庭而列萬里職方子凡
案間豈非大快事歟寶護此書便可壓倒海內
藏書家非予之僨言也

一統輿圖一卷

輿圖桂萼撰兩京十三省四夷約而爲圖十六
嘉靖八年六月初一日進呈奉旨謄寫副本留
內閣

重譯圖經二卷

圖共一百三十有四五采繪畫精妙絕倫博採

朝貢典錄四夷考島夷志等成書帙而可稽昔
人作王會圖亦不是過矣此等書人間絕少唯
吾家有之披視之間洵足驚人螺蛭錄雜採山
海經異狀圖之不足存也

嶺海輿圖一卷

唐分廣南爲廣南東路廣南西路後人省文但
稱廣東廣西如江西之例承譌襲謬其來已久
無識者正之良可慨也此稱嶺海輿圖莆田姚
虞撰虞于嘉靖年間按部廣東著此書爲圖十

二各係以叙記其言雖簡而要者咸得考焉
虔臺撫屬地圖一卷

贛為古之虔州國朝開府于此故稱虔臺東則
福建漳南道汀州府八縣南則廣東嶺南道南
韶道南雄府二縣韶州府六縣北則江南嶺北
道湖西道南安州四縣贛州府十一縣吉安府
五縣西則河南郴桂道郴州五縣皆撫屬之地
長沙李棠鎮臨于此移行各道府縣詳考境內
地形函圖貼說彙成此帙六道七府州之險隘

瞭然如指諸掌矣

薊鎮東路圖冊一卷

萬曆三十年二月副總兵麻承訓將所屬山右
燕建四路自山海關南海口靖虜一號臺起至
建昌路白道子地方交界白草窪一百四十五
號臺止邊長丈尺臺墩烽堠一一函圖貼說開
報誠聚米畫笏之心事也

榆林全鎮圖說一卷

前有總圖後分極衝次衝諸圖榆林乃九邊保

九邊番論一卷

許論進九邊番論
番留覽邊論任兵
部看詳極其弊與
之鈔本多此一條

障之首總轄三十六堡邊牆一千二百里余叔
敏建設于前文巡撫增脩于後隆慶三年蒲坂
馮舜漁著此圖說

三省礦防圖說一卷

三省者浙江南直隸江西也奸民礦徒往往嘯
聚空掘隆慶元年頒行此圖說于各屬以稽考
禁止之

建昌諸夷圖一卷

建昌所部夷九種嘉靖戊子夏備兵使上蔡周

汝勤適訪其風俗所尚并圖其形狀刻之

貴州諸夷圖一卷

貴藩叅議李公重刊貴州夷圖共三十五種宣
德甲寅歲丑月徵右叅議清陽賈昭為之序

雲南諸夷圖一卷

雲南夷三十七種舊有圖刊其為官學佛漁獵
貿易諸狀其部落種類質之勇怯心之慈暴與
居處之險易各題于其上歲久漫漶布政使昆
陵殷公請于黔國公重鈔諸梓宣德辛亥夏巡

言事每言卷二

讀書文友已卷二地理輿圖四

按御史甌閩杜琮序其首

安南國志一卷

漢武平南越置交趾九真日南二郡光武時女
 子徵則徵貳反馬援討平之建炎中改為兗州
 唐置都護府改為安南梁貞明中曲承美楊廷
 藝皎公羨吳權相繼篡奪宋初丁璉據地入貢
 太祖封為交趾郡王從此不入中國版圖者四
 百四十六年永樂初黎季犁弒君陳日焜誅戮
 陳氏殆盡二年老撾傳送故王之孫陳天平來



朝四年春季犁偽請天平還國至芹站伏兵殺
 之并使者大理寺卿薛嵩太宗震怒命成國公
 朱能新城侯張輔西平侯沐晟出廣西雲南兩
 路討之親禡龍江誓師十月庚子能病卒于龍
 州輔代總其衆五年五月擒季犁父子獻俘詔
 求陳氏後無存者遂依漢唐時郡縣其地六年
 輔還進封英國公厥後交人簡定陳季擴鄧宗
 異輩徂詐屢叛復命輔討平之英國凡三下安
 南交人憎服遂留鎮其地十五年召還宣德元

年黎利反王通討之失利柳升中伏死沐晟兵
觀望不前三年黎利上表僞稱立陳氏後英國
公輔尚書塞義夏原吉力爭以爲不可從大學
士楊士奇楊榮引漢弃珠厓之說爲解上允其
請君子嘆當時廟堂無卓識大臣命英國鎮交
州如黔國之在雲南俾世守其土交人憚英國
威名雖犁利何能爲乃以祖宗成業捐于謀國
者之片言履霜堅冰後時咒水之禍飛走都窮
真可爲痛哭者也黎利又稱陳氏絕種上心知



其妄然業已置之乃詔利署安南國事黎氏遂
世主其地正德十一年陳嵩弒其主暕自立莫
登庸逐之立暕兄子諲無何登庸自僭爲安南
王上命咸寧侯仇鸞尚書毛伯溫致討登庸父
子懼束身乞降詔赦登庸爲安南都統使世其
職萬曆間鄭檢父子立黎暉後誰暉爲主盡逐
莫氏遺孽誰暉遣使詣督臣歸罪二十四年受
降如登庸上亦詔之爲都統使蓋安南自黎利
竊據以來叛服不一雖奉貢稱藩然自帝如趙

言書每言卷二
侘中國不得而主勞臣志士每興弃交州之歎
鄧鍾序此稱失在召還新城侯復追思國初命
將故事三致意為于伏波英國輯為圖志其意念
遠矣予今詳述安南始末于此書之後寔有隱
恫焉悠悠我心千載而下誰則知之

朝鮮八道圖一卷

八道圖京畿道忠清道全羅道慶尚道江原道
咸鏡道黃海道平安道前各係以圖後列州郡
名下詳四至所刊頗效元和圖志例鏤板樸雅

繭紙堅緻裝潢悉依宋時工匠東國奉箕子風
教留心圖籍其猶是古人之遺旨歟

日本圖纂一卷

鄭若曾從奉化人得倭國圖本持以詢諸使臣
降夷通事大長之屬錯覈互訂頗得其真其于
山川夷險風俗強弱技術巧拙器物精否部道
驛戶之詳與夫通貢入寇之路風汛逆順遲疾
之期按圖可盡得其要領山陰王畿序之如此
鄭子尚有萬里海防圖論俟更覓之

廬山圖一卷

圖尚總要故首之以總圖山勢四面皆奇非一圖可盡故次之以分圖山頂之攢峰叢嶺未及也廬山之勝在瀑布也故又次之以山頂之圖瀑布之圖三疊泉之奇更在瀑布上非圖家所能及故圖缺焉

黃山圖經一卷

黃山舊名黟山軒轅黃帝栖真之地當宣歙二郡唐天寶六年六月七日勅改為黃山今名圖

勞山仙蹟詩一卷

經尊此書也予注牧翁游黃山詩大半取此披覽全圖真神游于三十六峰之間矣

丘長春詩三十餘首王重陽馬丹陽劉朗然各數首是集人間絕少萬曆乙卯趙清常借柏臺靖恭堂本繕寫

台山靈異錄一卷

瓊臺山人龐櫟輯古今靈異圖志二十餘事編成此書

右宋朝散大夫尚書刑部員外郎歷陽徐兢撰詳記其立國始末及制度風俗於宣和間表進原書有畚在宋時已佚所存者其後也按兢又有奉使高麗記畧各著錄家皆不載意流傳之本詳畧互异或徑後人刪節耳

別志

高麗圖經四十卷 校宋鈔本

宣和六年徐競奉使高麗撰圖經四十卷凡三百條物圖其形事爲之說上之御府乾道三年徐嘗鏤板澁江惜乎圖亡而經存競字叔明張孝伯與作行狀附刊于卷末

東國史畧六卷

東國史畧始自檀君終于恭讓王上下千餘年幽竒理亂之迹靡不具載李氏弑君篡位而此

稱成桂爲太祖芳遠爲太宗蓋執筆者爲其臣子不得不然史記鄭夢周忌太祖威德欲乘墮馬病篤圖之太宗與李濟謀去夢周遣趙英珪等邀于路擊殺之籍其家并放李穡于韓州至是而王氏之舊臣盡矣又稱夢周爲人有忠孝大節國家多故處大事決大疑不動聲色咸適其當穡天資明敏與夢周同心始終不變臣節如是而成桂父子之忌二人唯恐剪除不速安能頃刻忘之耶此書諱而不沒其實信良史也

其猶有箕子之遺教歟

吳明濟朝鮮世紀一卷

會稽吳明濟子魚萬曆丁酉以客從司馬公贊
畫東援朝鮮諮訪事蹟撰世紀記高麗始末最
詳辛禍之事同乎呂嬴牛馬子魚謹而書之不
沒其實王氏自梁末帝貞明四年代高氏有其
國遂并新羅百濟之地稱後高麗傳三十二主
歷年四百七十五李成桂篡位復稱朝鮮高皇
帝祖訓云朝鮮國即高麗其李仁人子李成桂

今名旦者自洪武六年至洪武二十八年首尾
凡弑王氏四王姑待之聖祖之意蓋以朝鮮遠
在屬夷有稽天討而于李氏之篡弑則大書特
書垂示萬世標之曰李成桂今名旦者直揭王
氏舊臣之名氏嚴于斧鉞之誅矣三百年來東
國陪臣伏讀聖祖之明訓有不爲之寒心者乎
華越朝鮮賦一卷

弘治元年越奉使朝鮮國夏五歸命罄其聞見
作朝鮮賦即自爲注之越字尚矩寧都人官至

南工部尚書歿謚文僖有文集傳行于世

黎崩安南志畧二十卷

崩字景高元時安南歸附人叙其山川文物風土制度頗詳備白雲老人察罕爲之序一時名公鉅卿如歐陽玄程鉅夫元明善許有壬等俱稱許之乃外志中之佳者

紀古滇說集一卷

元人張道宗錄上自唐虞迄于咸淳其間方域年運謠俗服叛一一詳載所記金馬碧雞事與

右元永嘉周建觀撰真臘即占臘也建觀於元貞大德間奉使詔諭往其國目知城郭宮室服飾官屬物產之詳而述焉建觀自号草庭逸民

漢書頗異道宗滇氏沐朝弼謂其自言風土當得其實留此以備參考可也

周建觀真臘風土記一卷

建觀自元貞乙未隨使招諭真臘至大德丁酉始歸述其風土國事甚詳是冊從元鈔校錄說海中刺者牴牾錯落十脫六七幾不成書矣

鞏珍西洋番國志一卷

永樂初勅遣中外重臣循西海諸國宣宗嗣位復命正使太監鄭和王景弘等往海外徧諭諸

言言每言卷二
番時金陵鞏珍從事總制之幕往還三年所至
番部二十餘處在處詢訪紀錄無遺宣德元年
編次成集予觀其議事詳核行文瞻雅非若星
槎勝覽等書之影畧成編者蓋三保下西洋委
巷流傳甚廣內府之劇戲看場之平話子虛七
是皆俗語流爲丹青耳今夷考之此冊首載永
樂十八年十二月初十日勅太監楊慶往西洋
公幹十九年十月十六日勅內官鄭和孔和卜
花唐觀保今遣內官洪保等送各番國使臣回

還合用賞使即照依坐去數目關給與之宣德
五年五月初四日勅南京守備太監楊慶羅志
唐觀保大使袁城職今命太監鄭和往西洋公幹
大小海船該關領原交南京入庫各衙門一應
正錢糧并賞賜并原下西洋官員買到物件及
隨船合用等物勅至即照數放支與太監鄭和
王景弘李興朱良楊直右少監洪保等關領前
去應用詳觀前後勅書下西洋似非鄭和一人
鄭和往返亦似非一次惜乎國初事蹟記載闕

言書每寸言卷二
如范無援據徒令人興放失舊聞之嘆而已
黃省曾西洋朝貢典錄三卷

東川居士孫胤伽跋云此書序見黃公五岳集
久矣往來于胸中者三十年歲已未錢受之搜
秘冊于郡城故家得黃公手藁歸以貽予遂命
童子錄之此書初未入梓自藁本外只此冊耳
汪煥章島夷志一卷

豫章汪煥章少負奇氣負舶浮于海者數年始
歸書其目之所及不下數十國勒成一書名島

江色江字以所鈔序對之者
此字或遺往而

夷志中一則云至順庚午冬十月十有二日卸

帆大佛山下月明水清水中見樹婆娑意謂琅
玕珊瑚之屬命童子入水拔之出即堅如鐵高
僅盈尺槎牙奇怪枝有一蕊一花天然江色既
開者彷彿牡丹半含者類乎齒齒舟人咸雀躍
曰此謂瓊樹開花海中稀有千年始一遇耳携
歸留于君子堂虞邵菴賦詩誌其異其所記奇
詭率多類此是書為元人舊鈔本至正年間河
東張翥三山吳鑿序之咸謂其言可信不誣鄒

如茫無援據徒令人興放失舊聞之嘆而已

黃省曾西洋朝貢典錄三卷

東川居士孫胤伽跋云此書序見黃公五岳集
久矣往來于胸中者三十年歲已未錢受之搜
秘冊于郡城故家得黃公手藁歸以貽予遂命
童子錄之此書初未入梓自藁本外只此冊耳
汪煥章島夷志一卷

豫章汪煥章少負奇氣負舶浮于海者數年始
歸書其目之所及不下數十國勒成一書名島

夷志中一則云至順庚午冬十月十有二日卸
帆大佛山下月明水清水中見樹婆娑意謂琅
玕珊瑚之屬命童子入水拔之出即堅如鐵高
僅盈尺槎牙奇怪枝有一蕊一花天然江色既
開者彷彿牡丹半含者類乎菡萏舟人咸雀躍
曰此謂瓊樹開花海中稀有千年始一遇耳携
歸留于君子堂虞邵菴賦詩誌其異其所記奇
詭率多類此是書爲元人舊鈔本至正年間河
東張翥三山吳鑿序之咸謂其言可信不誣鄒

言書每寸言卷二
衍曰九州之外復有九州煥章此志悉前古所未聞予醯雞也無能發甕天之覆聊存其書而已

日本受領之事一卷

受領者受領天朝之賜予也字形奇詭是彼國人所書裝潢楮墨咸與中華異而寔精于中華行間復以日本事注其旁不可辨識亦書案間一奇物也

王宗載四夷館考二卷

國初以還陬裔壤聲教隔闕設四夷館以通達夷情拔子弟之幼穎者授譯課業于彼國之來使凡山川道里食貨謠俗瞭然如觀掌果迨後肄習既廢籍記無徵此館幾為馬肆萬曆庚辰王宗載提督四夷館蒐輯往牒創為此書于柔遠之道不無小補云

華夷驛語一卷

洪武二十一年翰林侍講史源潔以華文驛胡語三五堆垛而全其字核對訓釋而明其義輯

錄刊布聖祖命劉三吾序之凡賜前元世系詔
誥勅書咸用胡語成文特刊于後高皇撫綏勝
國之苗裔其至德曼絕今古矣

華夷譯語二卷

分類聚編上則番書中則漢譯下則胡音乃回
回館新增者內府抄錄除此無別本宜秘之

回回館課三卷

諸番進貢駝馬玉石梭角求討膝襴織金段茶
藥等件皆寫番書表奏回回館以中國字逐篇

譯之輯成三冊藏之天府不知何年流落人間
爲予所得存之以徵同文之化

屬夷枝派錄一卷

二祖以元之餘裔歸降効順賜以大寧全地立
泰寧朶顏福餘三衛設官襲職歲通兩貢其後
唯朶顏獨盛此書于三衛枝派住牧詳細錄之
有心哉斯人也今撮畧其要以彰二祖撫賞之
盛心并以告後之秉史筆者泰寧衛夷始祖都
督兀捏帖木兒右都督革于帖木兒二枝之後

言事每三言卷二
共五處住牧朶顏衛夷始祖都督完者帖木兒
四世花當生十一男分十一枝厥後又分七十
派隨處住牧外脫羅又兒古彥卜二枝隨長昂
住牧是忽納猛可海塔力三枝跟那木寒等住
牧革蘭台認義部落亦隨長昂住牧福餘衛夷
始祖都督指揮使朶兒于都督指揮使可及夷
始祖影克掌本衛印使指揮使扯禿四枝之後
共五處住牧予慮此書或致湮沒失傳屬夷枝
派便無從稽考故書其大凡於此

讀書敏求記卷二 終

道光壬辰浴佛日校畢

言言每言九

Blank manuscript page with vertical lines.



